

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Getxoko Udala**

Ostalaritza eta merkataritza jarduerari lotutako erabilera publikoko espazioaren okupazioa arautzen duen udal Ordenantzaren aldaketa behin betiko onetsi. (Oker zuzenketa).

Akats bat antzeman dugu Getxoko Udalaren iragarkian (ordenantzaren aldaketari buruz), 2017ko urriaren 10eko Bizkaiko Aldizkari Ofizialean (zk.: 194) argitaratutakoan, Aldizkari Ofiziala arautzen duen Bizkaiko Foru Aldundiaren 97/2009 Foru Dekretuko 17. artikuluan esaten duenez, jarraian berriz iragarki osoa argitaratzen da.

Ostalaritza eta merkataritza jarduerari lotutako erabilera publikoko espazioaren okupazioa arautzen duen udal Ordenantzaren aldaketa behin betiko onetsi.

2017ko ekainaren 28ko Udalbatzaren erabakiz, ostalaritza eta merkataritza jarduerari lotutako erabilera publikoko espazioaren okupazioa arautzen duen udal ordenantzaren aldaketa behin-behingoan onetsi izan da. Aldatutakoak hona:

- 7. artikulua, 1. atala.
- 7. artikulua, 9. atala.
- 7. artikulua, 14. atala.
- 8. artikulua, 2. atala.
- 12. artikulua, 2. atala.

2017ko uztailaren 21ean, 140. Bizkaiko Aldizkari Ofizialean, onespen horren iragarria argitaratu zen.

Jarritako apean inolako errelkamaziorik ez iradokizunik aurkeztu ez denez, ordenantza hau behin betiko onartua geratzen dela ulertzen da; horren Testu Bategina Toki Araubideari buruzko Oinarriak araupetzen dituen apirilaren 2ko 7/1985 Legearen 70. artikuluan xedaturikoarekin bat datorrela argitaratzen da.

**OSTALARITZA ETA MERKATARITZA JARDUERARI
LOTUTAKO ERABILERA PUBLIKOKO ESPAZIOAREN OKUPAZIOA
ARAUTZEN DUEN UDAL ORDENANTZAREN TESTU OSOA**

ZIOEN AZALPENA

2010eko uztailaren 13an 7. Bizkaiko Aldizkari Ofizialean argitaratutako eta indarrean jarritako egungo ordenantzak, erabilera publikoko espazioetan terrazak eta barrak jartzea arautzen duenak, udalerrian terrazak jartzearen fenomenoari erantzun zion, baina denbora igaro denez, testua eguneratu eta gaur egungo gizarte egoerara moldatu behar da; izan ere, beste premia batzuk sortu direla antzeman da: irisgarritasuna, tasen prezioa, luzapen automatikoa, terrazaren denboraldien bereizketa, terrazak pilatzen diren eremuetako erregulazioa, terraza mota desberdinak, baita merkataritza jarduerekin lotutako aldi baterako beste instalazio batzuk jartzea ere, Getxoko merkataritza eskaintza herritarrei hurbilduz eta harreman zuzen handiagoa bultzatuz.

Administrazioa berritzeko eta errazteko ideiarekin bat etorrira, eta tokiko administrazioan prozesuak etengabe hobetearren, berritasun handi bat zera izango da, hain zuzen, herritarrek izapidetzeak arinago eta erosoago egiteko balioko lukeena: baimenak automatikoki berrituko dira hasierako eskaera egindako hurrengo urteetarako, terraza instalatzeko baimenaren berritzea jarduerari ezarritako neurriren bat ez betetzeagatik zigortua izan ez bada, titulu gaitzailea ematerakoan zeuden inguruabarrak aldatu ez badira, bajarik eskatzen ez bada, eta aurreko ekitaldiari dagozkion tasa guztiak ordaindu badira ere.



Era berean, merkataritza establezimenduek erakustokien, euskarrien, esekitokien eta abarren bidez egindako luzapenak erregulatuko dira; hain zuzen, establezimendu horiekin lotutako merkataritza jardueretako produktuak eta artikuluak sustatzea izango dute xede, herritarrei zuzenago erakutsi ahal izateko, urtero nahiz aldi behin.

Ordenantza honen xedea da herritarren erabilerak eta interesak batzea espazio libre bereziak zabaltzearekin, instalazioei tratamendu homogenea emateko, non hasiera batean, titularren proposamena balioetsiko den eta bizilagunek espazio horiek libreki erabiltzea uztartuko den, oinezkoen espazioaren erabilera eta udalerriko jarduera ekonomikoak bateragarri izate aldera, baina, betiere, espazio publiko horien erabilera publiko bermatze eta leheneste aldera.

Azken finean, modu ordenatuan lortu nahi da Getxo atseginagoa, praktikoagoa eta abegikorragoa izatea herritarrentzat, eta gure auzoez gozatzea eta horiek baliatzea eta aktibatzea. Hori neguan ere egingo da, udalerriko espazio estrategikoetan estalitako ostalaritza terrazak jarriz. Neurri horiek bateratu egingo dira bizilagunek atsedean hartzeko duten eskubidea eta gogaituak ez izateko eskubidea errespetatuz, eta, era berean, oinezkoen erabilera eta igarotzeko eskubidea lehenetsiko da interes komertzialen gainetik.

Zuzenean aplikatu behar diren eta indarrean dauden sektoreko gainerako erregulazioa, ingurumenaren arloko arauak, irisgarritasunekoak eta abar kontuan hartu behar dira, baita horiek nahiz horien aginduak berariaz aipatzen ez badira ere.

Xedeari berari eta eremuari eragiten dieten testuaren berritasunen ondorioz, ordenantza berri bat onartu behar da, bertan aurreikusitako egoera guztiak berrantolatzeko. Ostalaritza eta merkataritza jarduerarekin lotutako erabilera publikoko espazioaren okupazioa arautzen duen udal ordenantza izango du izena eta 2010az geroztik indarrean dagoen erabilera publikoko espazioetan terrazak eta barrak jartzea arautzen duen Udal Ordenantza ordezkaturiko du.

Ordenantza honek lau titulu, hogeita sei artikulua, xedapen gehigarri bat, xedapen indargabetzaile bat, hiru xedapen iragankor eta azken xedapen bat ditu.

I. TITULUA

ORDENANTZAREN APLIKAZIOA

XEDEA, IZAERA, EREMUA, BAZTERKETAK, BETEBEHARRAK ETA DEBEKUAK

1. artikulua. — Helburua

1. Ordenantza honen xedea da instalazioaren erregimen juridiko eta teknikoaren ezarpena ordenantza honen 3. artikuluan zehaztutako espazioetan 1985eko apirilaren 2ko 7/1985 Legean ezarritakoaren babesean, Tokiko Araubideko Oinarriak Arautzen dituzten, eta lurzoruen eta ingurumenaren legediaren eta honako instalazio hauen irisgarritasunari buruzko araudiaren babesean:

- a) Terrazak.
- b) Terrazak eta kanpoko barrak jaietan.
- c) Establezimendu komertzialen erakustokiak edo luzapenak, iraupen luzeak nahiz behin-behinekoak.

2. Aurreko atalean aipatutakoaren eraginetarako, terrazak hauek izango dira: ostalaritzaren adarrean edo beren lizentzian ostalaritzako erabilera duten alderdi politikoen egoitza sozialetan, legeztatutako jardueraren behin-behineko osagarri bezala erabili daitezkeen mahai altu edo baxu, mahai bezala jarritako upel, aulki, aulkitxo eta behin-behineko instalazio mugikorren (erraz desmuntatu daitezkeenak) multzoak.

3. Eragin berberetarako, kanpoko barratzat hartuko dira hauek: aldi baterako barra eta instalazioak, jaiak direla-eta ostalaritzako establezimenduen kanpoaldean jarri ahal direnak.

4. Establezimendu komertzialetako erakustokizat edo luzapentzat hartuko dira hauek: erakustokiak, euskarriak, esekitokiak edo antzeko ezaugarriak dituzten elementu



laguntzaileak, lokal komertzialen kanpoaldean jar daitezkeenak produktuak eta artikulak sustatzeko, urtero edo aldizka.

Establezimendu komertzialen urteko luzapena Ordenantza honen 22. artikuluan ezarritako baldintzetan eskatutako jarduera komertzialaren titularrari dagokio eta hari lotuko zaio, eta urtero eskatu beharko da.

Establezimendu komertzialen aldizkako luzapenak soilik jarri ahal izango dira Udaleko Ekonomi Sustapen Sailak, edo eta merkatarien elkarteek edo taldeek eskatuta, saltokien sustapen kanpainak egiteko. Kanpaina horiek urtean hogeitabi (20) egunetan egin ahal izango dira: sei (6) egun udalerrri osoan egingo diren sustapen kanpainetarako izango dira, eta gainerako hamalau (14) egunak udalerrian ospatzen diren interes orokorreko ekitaldiekin bat etor daitezke (udalerriko gunek jakin batean soilik antolatu ahal izango dira, horrela eskatuz gero).

2. artikulua.— Bide publikoaren okupazioen eta aprobetxamenduaren izaera juridikoa

Bide publikoaren okupazioak eta aprobetxamenduak erabilera erkide bereziko kategoria juridikoa dute, eta jabetza eskubiderik gabe eta besteei kalterik egin gabe ematen dira. Horiek erabiltzeko, aurrez, dagokion titulu gaitzailea behar da. Lizentzia ordenantza honetan ezarritakoaren arabera emango da.

Partikularrak ez du baimena emateagatik eskubiderik edukiko, beraz, baimena ematea eskatu ahalakoa da hartzen den ebazpenaren beharrezko justifikazioari kalterik egin gabe.

Gainera, prekarioan emandakoak dira eta interes publikoagatik ezeztagarriak dira kalte-ordainerako eskubiderik gabe.

Baimendu daitezkeen bide publikoaren okupazioaldiak Udalak antolatutako jarduera turistiko edo jai jarduerak edo lan edota jarduera publikoak egiteko aldatu ahal izango dira; halaber, beste interesdun batzuek dituzten eskubideei dagozkien jarduerak burutu behar badituzte eta horien baimena administrazio honi badagokio ere aldatu ahal izango dira.

3. artikulua.— Aplikazio eremua

1. Ordenantza hau titulartasun publikoa edo pribatua duten hesitu gabeko espazioei aplikatu dakieke. Erabilera publikoaren izaera izatezko egoeraren nahiz indarreko plangintzaren zehaztapenen aplikazioaren arabera zehaztuko da.

Hortaz, jabetza publikoko espazio guztiei aplikatu dakieke, baita indarrean dagoen plangintzaren zehaztapenen arabera titulartasun pribatukoak diren baina erabilera publikora atxikita dauden espazioak ere, bai eta publiko izateko bokazioa duten espazioak ere indarrean dagoen plangintzak zehaztutakoarekin eta egun herritarren erabilera orokorrerako irekita daudenekin bat etorrita.

Halaber, Ordenantzaren aplikazio eremuaren baitan daude titulartasun pribatuko hesirik gabeko espazioak, nahiz eta plangintzan erabilera publikorako espazio izaerarik ez duten, ordenantzaren 1. artikuluan zehaztuta datorren terrazaren jardueraren ezarpenean oinarrituta, behin-behineko osagarritzat balio baitu sarbide orokorreko ostalaritza adarrean legeztatutako jarduera baterako. Hori dela eta, ordenantza honen aplikazio ondo-riotarako soilik erabilera publikokotzat hartzen dira.

4. artikulua.— Bazterketak

1. Araudi hau ezin izango zaie aplikatu, 1. artikuluan aipatutako definizioaren barnean egon arren, beren erabilera egiaztatzen duen dagokion lizentziaren babesean egindako instalazioei.

Bereziki, kanpoan utziko dira ostalaritzan diharduen eraikin edo lokal batean integratuta gera daitezkeen terrazak. Nolanahi ere, dagokion jarduera lizentzian arautu behar dira horiek.

**5. artikulua. — Betebeharrak eta debekuak**

1.1. Betebehar orokorreki eta ordenantza honen ezarpenak ekarriko dituen bete-beharrei kalterik egin gabe, instalazioaren titularra bai baimendutako lurraren okupazioa, bai instalazioa bera eta bere elementu osagarriak, garbitasun, segurtasun, zaintza eta apaingarrizko egoera ezin hobean mantentzera derrigortuta dago.

1.2. Titulartasun publikoko espazioan baimendutako instalazioaren titularrak egokitu dakizkiokeen tasak ordaindu beharko dizkio udalari, udal jabari publikoa okupatzeagatik, bere kasuan, zein baimena bideratzeagatik. Tasa horiek ez ordaintzeak automatikoki segidako baimenak ez berriztatzea eragingo du, automatikoak balira, edo geroko lizentziei ezezkoa ematea, tasa horiek ordaindu direla egiaztatu arte.

1.3. Instalazioaren titularra Zarata Ordenantzari lotutako terraza, barra edo eta merkataritza luzapenaren funtzionamenduak eragindako arau-hausteen arduraduna izango da.

1.4. Titularrak bere kontura finantzatu beharko du okupatutako espazio publikoaren erabilera kaltetuak izan diren elementuen konponketa edo jarduerak eragindako beste edozein kalte.

1.5. Bestalde, titularra izango da instalazioaren erabilera normalak eta anormalak eragindako kalte-galera guztien arduraduna, istripuak, ezbeharrak etab., jarduera horretatik erator daitekeen erantzukizun zibila bere gain hartuz.

2. Udal Agintaritza eskudunak, halaber, terrazak eta bere elementu osagarriak, kanpoko barrak eta establezimendu komertzialen luzapenak jartzea debekatu ahal izango du, interes publikoak horrela eskatzen duenean, diseinua, egoera, bide segurtasuna, herri lanak edo lan pribatuak, oinezkoen biltzea, ikuspena edo irisgarritasunagatik edo antzeko beste edozein baldintzagatik. Debekua behar bezala oinarritu beharko da.

6. artikulua. — Instalazio hauetan burutzen diren jarduerak

Instalazio hauetan establezimendu publiko hauetako titularren kontura eskainitako antzezpen, erakusketa edo jarduerak egiten direnean edo titular hauek beraiek antolatutako zerbitzu edo ekitaldietan parte hartzea eskaintzen dutenean aisialdirako edo dibertitzeko helburuarekin, Jendaurreko Ikuskizunei eta Jolas jarduerari buruzko Araudian xedatutakoa aplikatuko da, baita jarduera hauek arautzen dituen aldi baterako indarrean dagoen araudi erregulatzaileraren ere.

II. TITULUA**TERRAZAK JARTZEA****I. KAPITULUA****TERRAZAK JARTZEKO BALDINTZA OROKORRAK****7. artikulua. — Jartzeko baldintza orokorrak**

1. Ordenantza honek eragiten dien terrazak honela sailkatuko dira ordenantzaren aplikazio ondorioetarako soilik:

- «A mota»: elementu guztiak mugikorrek eta desmuntagarriak dituen instalazioa da (mahaiz, aulkiz, jardineraz, eguzkitako eta albo-babesetz osatuta), eta elementu guztiak jaso eta gorde egiten dira egunero, jardinerak salbu.
- «B mota»: perimetroaren alboetako bat itxita duten eta elementuetakoren bat guxtienez lurrari torloju bidez lotuta dagoen instalazioa da (mahaiz, aulkiz, jardineraz, albo-babesetz, eguzkitako edo eguzki-oihaletarako euskarri gisa balio duen portiko simple batez edo gehiagoz osatuta, leku mugatu edo konfinatua eratu barik).
- «C mota»: mahaiz, aulkiz eta estalkia daukan egituraz osatutako multzoa da, leku mugatu edo konfinatua eratzen duena; ainguratutako egitura baten bidez egina da, non egitura horretan eusten den eta, aldi berean, terraza albotik itxeko euskarri gisa balio duen».



C motako terraza-mota hori udal-agintaritzak baimenduko du salbuespenez honako leku hauetan: haren presentziak eremuko estetika eta zirkulazioa asaldatzen ez dituen oinezkoen guneetan, ibilgailuen zirkulazioa izan arren trafikoa handik igarotzen ez den oinezkoen guneetan, eta ibilgailuen zirkulazioa daukaten espaloietan, betiere espaloien zabalera X metro baino handiagoa bada.

2. 1,70 metrorainoko altuera duten mahai, aulki, eguzkitako, jardinera, paperontzi eta albo babes mugikorrek edo finkoak (ixteak edo bereizgailuak) eta ordenantza hone-tan deskribatutako ezaugarriak errespetatzen dituzten estalkiak bakarrik onartuko dira.

3. Terraza jartzeak ezingo die eragin zuhaitzei ezta hiri altzariei ere.

4. Ezin izango dira jarri berariaz onartutakoak ez diren instalazioak.

5. Debekatuta dago establezimendu hauei lotutako terrazak jartzea: Eusko Jaur-laritzaren Dekretuaren 4. taldean sartutakoak, hain zuzen, hauen ordutegi buruzkoak: ikuskizun publikoak eta jolas jarduerak, jolas aretoak, billar aretoak, txokoak, lokutorioak, elkarteak eta antzeko ezaugarriak dituzten beste edozein.

6. Debekatuta dago, baita ere, bide publikoan terraza instalazioaren zerbitzu osaga-rritzat justifikatuta elementu hauek jartzea:

a) Ura edota saneamenduaren hornidurarako elementuak.

b) Edozein produktu mota saltzen duten makinak, jolas makinak eta edari edota elikagaiak prestatzeko instalazio osagarriak.

c) Irudia edota soinua erreproduzitzeko gailuak, hala nola, musika ekipoak, bozgo-railuak, telebistak edo beste edozein motatako gailuak (informatika ekipoak, karaokeak, etab.).

7. Instalazioak, beti, eta edozelan ere, oinezkoentzako gutxienez bi (2) metroko trabarik gabeko bidea bermatu beharko du terraza dagokion ostalaritzako establezimen-duaren eta terrazaren artean. Ezin izango da terrazarik jarri oinezkoentzako pasabideen aurrean, indarrean dagoen irisgarritasun araudia zaintze aldera.

Terrazek okupatutako espazioek 2 metroko espazio librea izan beharko dute honako alderdi hauei dagokienez:

— Etxebizitzaren atariaren ardatzaren aurrean.

— Garajeetako sarreraren edo ibilgailuen pasabideen ahokaduren kanpoko lerroari da-gokionez.

— Larrialdietako irteeren kanpoko lerroari dagokionez.

— Garraio publikoko ibilgailuen geltokiei dagokienez.

— Bide publikoan finkatutako salmenta puntu finkoei (ONCE, kioskoak, etab.) eta telefono kabinei dagokienez.

Gutxienez bi (2) metroko oinezkoen pasabide hori areagotu egin daiteke udal zerbi-tzuen iritzi arrazoituengatik, guneko oinezkoen trafiko intentsitateak hala eskatzen due-nean, edo, salbuespenez, udal zerbitzuek aldeko txosten arrazoitua egiten badute irisga-rritasun arauak bermatzen eta hobetzen dituen beste kokapen aukera bati dagokionez.

Herriko jaietan eta antzeko ekitaldietan, terrazak behin-behinean kentzeko agindu ahal izango da, oinezkoen pasabidea bermatzeko instalazio horien eragozpenik gabe.

8. Terrazak gehienez, jardueratik 20 metrora jarri ahal izango dira, lokalaren irteera atearen edozein puntutatik terrazaren eta oinezkoak egin dezakeen ibilbidearen edozein puntura arte neurtuta, baldin eta segurtasunagatik terrazak jartzea gomendagarria ez bada.

9. Ezin izango da terrazatzat erabiliko den azalera zati batean edo osorik altxatzen duten edozelako taulada, oholtza, plataforma edo abarrik jarri.

10. Terraza osatzen duten elementu mugikorrek ez dute, inola ere, hiri altzari pu-blikoaren erabilera oztopatuko (eserlekuak, paperontziak, barandak, etab...) erabiliko ez duten oinezkoen aldetik, eta ez diote eragingo udal zerbitzuak eskaintzeari. Aurrekoa hala izan arren, eta interesdunak eskatuta, hiri altzarien birkokapena kontuan hartu ahal izango da, udal zerbitzuen irizpidearen arabera, interes publikoak urratzen ez badira.



11. Albo babes, mahai, aulki, olana, eguzkitako eta abarrek ezin izango dute jarduerarenak ez diren publizitate mezurik eduki, bai, ordea, jardueraren titularraren izen komertziala. Albo babesak, itxierak edo bereizgarriak ez dira, inola ere, oinezkoentzako arriskutsuak izango. Gainera, ez dute titulartasun publiko edo pribatuko bidean kalte edo aldaketarik eragingo, eta ez da horien elementurik aterako.

12. Oinezkoentzako eremu, plaza, espazio libre berezi bakoitzean eta kale partikularretan estaldurak, babesak eta altzariak jarri beharko dira baterako proposamen baten arabera eta harmonia estetikorik baldintza zehatzekin.

Horretarako, eragiten dien ostalaritzako establezimenduek banaka edo taldean, Udalaren aurrean beren kokapen eremuari dagozkien proposamena edo proposamenak aurkeztu beharko dituzte. Eta Udala izango da, aipatutakoekin adostasunean, interes orokorrenzako egokiena aukeratuko duena.

Dena den, adostasunik ez badago, Udalak edukiko du estalduretarako, babesetarako, altzarietarako, eguzkitakoetarako eta abarretarako baldintza tekniko eta estetiko egokienak erabakitzeko eskumena.

13. Terraza (babesak, mahaiak, aulkiak, eguzkitakoak, etab.) jartzera bideratutako eremuen mugek Udalak emandako terrazari buruzko dokumentuan (1. eranskina) jasota egon beharko dute, eta dokumentu horrek ikus daitekeen lekuan egon beharko du. Hala ere, lurzoruan okupatuko den azalera mugatuko da baimendutako eremuaren bazterretan pegatinak jarritz. Pegatina horien erradioa ez dz 10 cm baino handiagoa izango.

14. Ezin izango da, inola ere, bide publikoa aulki, mahai, eguzkitako edo terrazako beste edozein elementuren piloz okupatu, baimendutako perimetro eta ordutegitik kanpo, altzariak gordetzeko ageriko ezinezkotasuna badago salbu; kasu horretan, Udalaren berriazko baimena eduki beharko da, bide publikoa pilaz okupatzeko, betiere terrazarako baimendutako espazioaren barruan eta jarduera gauzatzeko baimendutako ordutegian.

15. Berriaz debekatzen da albo babesen eta instalazioaren estalduraren artean osorik ixtea, alboetako edozeini dagokionez, 10.4 artikuluan ezarritako baldintzetan izan ezik. Albo babesak ordenantza honen 10. artikuluan xedatutakoaren arabera gauzatu beharko dira.

16. Eduki ditzaketen estalgarrien eta albo babesen hegala eta bermatzeko oinarriak terrazak okupatzen duen azaleraren barnean egongo dira, eta ez dira aterako inola ere albo babesetatik.

17. Terraza bat jartzeak ezingo die eragin hiri altzariei, zoladurei, ondasunei, obrei edo udal zerbitzuei, artikuluan honen 10. puntuan adierazitako kasuan izan ezik.

Behin terraza kendu ostean, instalazioak zoladura edo arestian aipatutako zeinahi elementu kaltetu badu, astebeteko gehieneko epean berritu beharko da.

Terrazaren instalazioarekin lotuta, hiri altzariak berriz kokatzeari dagokionez, udal zerbitzuek agindutakoari jarraituko zaio.

18. Terrazak okupatutako bide publiko eta espaloiak beti garbi mantendu beharko dira. Espazio horren garbiketa baimenaren titularrari dagokio. Instalazioko elementuen mantentze lanen faltak edo segurtasun, apaingarri eta garbitasun baldintzak hondatzeak baimena kentzea ekarriko du, eta ondorioz, instalazioa kentzea ere bai. Aipatutako baldintzei eusteak bere elementu guztiak (albo babesak, egiturak, olanak, altzariak, etab.) barne hartzen ditu eta elementuek beti kontserbazio, segurtasun, apaintasun eta garbitasun egoera egokia izan beharko dute.

Titularrak instalazioa egunean bitan garbituko du, eta horietako bat instalazioa osatzen duten altzariak kentzea izango da.

19. 3,50 metro baino gutxiagoko zabalera duten espaloietan edo zabalera gutxiago duten espaloietan jartzea eragozten duten oinezkoen guneetan, fatxadari ainguratutako balda edo euskarriak jartzea baimendu ahal izango da; baimen hori pasabide librea irisgarritasun arloan indarreko legeetan ezarritakoari egokitzearen baldintzapean egongo da.



Euskarriak diseinatuko dira herritar guztiek erabili ahal izan dezaten, eta inguruarekin kolore-kontrasteagatik erraz detektagarriak izango dira; gainera, ertzarik gabeko diseinua eta lurzorurainoko lateralak izan beharko dituzte, zirkulazioa ez eragozteko modukoak eta erosotasun osoz erabili ahal izan daitezzen. Halaber, oinezkoen ibilbidean luzera-norabidean lerrokatuta jarri beharko dira.

Euskarri horien zabalera ez da 30 cm baino handiagoa izango eta lokalaren funtzionamendu-ordutegia amaitu eta gero erretiratu edo eraitsi beharko dira.

Edonola ere, Udal Agintaritzak euskarri horiek jartzea baimendu edo ukatu ahal izango du, edo eta baldintza zehatzak jarri, oinezkoentzat sortu daitezkeen arrisku edo kalteen arabera.

8. artikulua.— Ainguratutako egitura bidezko estaldurak. (B eta C motako terrazak)

1. Ordenantza honetako aurreko artikuluen arabera mugatuta terrazak okupatzen duen espazioa behin-behineko elementuez estali ahal izango da, erraz desmuntatu daitezkeenak, seguruak eta estetikoki onargarriak direnak. Horiek zoladuran ainguratuta egongo dira torlojuz. Gainera, estaldurek ezaugarri hauek bete beharko dituzte:

a) Sostengu egitura osatzen duten elementu zurrunen (zutabeak, habeak...) gutxienezko altuera 2,50 metrokoa izango da, eta tolestuta edo tolestu gabe estalduraren edozein punturen gehienezko altuera ezingo da izan 3,25 metro baino altuagoa kokatuta dagoen terrazako lurretik edo eraikuntzaren lehenengo solairuaren akaberaren zoru mailatik; betiere, fatxadatik 5 metrora baino gutxiagora badago.

b) Terrazaren egituraren nahiz estalduraren zeinahi elementuk (olanak, eguzkitakoak...) ez die eragingo, ez zuhaitzei, ez hiri altzariei.

c) Edozein zutiko eta espaloien kanpoaldeko ertzaren arteko tartea ez da hogeita hamar (30) zentimetro baino gutxiagokoa izango, babes baranda dagoenean izan ezik; orduan, tartea hamar (10) zentimetrora murriztu ahal izango da.

d) Olanen, eguzkitakoen eta abarren hegal zintzilikarien azpiko ertza lurretik 2,10 metrora geratuko da gutxienez, horietara egokituko diren albo babesak ez badaude salbu.

e) Instalazioaren albo babesek ordenantza honen 10. artikuluan xedatutakoa aintzat hartuko dute.

2. Egiturazko elementuak erraz desmuntatu ahal izango dira eta, ahal bada, altzaruzkoak izango dira (herdoilgaitza, burdinurtua, galbanizatua...); udal zerbitzuek alde aurretik txostena eginda, egurrezkoak edo beste material mota batekoak ere izan ahalko dira. Pinturazko akabera izanez gero, hiriko gainerako hiri altzariekin zerikusia izan beharko dute. Horretarako, Ordenantza honen 14. artikuluan deskribatutako dokumentazioa gehitu beharko da eskaeran.

Estalduraren materiala zurruna izango da (metala, beira, polikarbonatoa...) elementu finkoei dagokienez nahiz desmuntagarriei dagokienez.

3. Udal Agintaritzak eskudunak estaldura eskaera ukatu ahal izango du ondoko kasu hauetan:

a) Bide segurtasunerako kaltegarriak direnean (ikuspena gutxitzea edo gidarientzako distrakzioa, etab.) edo oinezkoen trafikoa nabarmenki zailtzen duenean;

b) Hurreko eraikin eta lokalei eragin diezaiekeenean (ebakuazioa, etab.);

c) Inguruarekin argi eta garbi ezegokia denean edo bat ez datorrenean edo hiri paisaia egoki ikustea zailtzen duenean.

d) Ordenantza honetako beste atal batzuetan adierazitako baldintzak betetzen ez dituztenean.

e) Interes publikoari edo bide segurtasunari eragin diezaiokeen gertaera bereziren bat ematen denean.

**9. artikulua.—Luzera eta okupatutako azalera**

Oro har, instalazioaren gehienezko luzerak, albo babesak (eta, baleude, jardinerak) barne, ez du establezimenduaren fatxadaren aurrealdeko luzera gaindituko, baldin eta ez badu justifikatzen bere alboko establezimenduen edo behe solairuko etxebizitzaren titularren baimen idatziarekin.

Ez da alboko establezimenduen jabeen baimenik beharko eraikinaren fatxadatik terrazaren instalaziorako distantzia 3,50 metrokoa edo gehiagokoa bada.

Terrazak inola ere ezingo du gainditu baimendu daitekeen gehienezko luzera hamabi metro (12 m).

Terrazaren gehienezko azalera ez da, nolana ere, establezimenduaren eraikitako azalera osoa baino handiagoa izango.

Lokalak bi fatxada edo gehiago baditu (izkinan, bi kaletan...), dituen fatxadak beste terraza baimendu ahal izango dira, eta horietako bat soilik izan ahalko da estalia.

Kapitulu honen 1., 2. eta 3. ataletan azaltzen diren kasuak arau zehatzek zuzenduta egongo dira.

10. artikulua.—Albo babesak

1. Instalazioak okupatzen duen eremua esparrua mugatzen duten eta oinezkoen ibilbide nagusiaren norakoan oztopoa identifikatzea ahalbidetuko dien albo babesek mugatua egon beharko da.

2. Albo babes hauek mugikorrek edo finkoak izan daitezke, eta inguruaren baldintzetara egokituak izango dira beti. Terraza mugatzeko landaredun lorentzi euskarriak onartu ahal izango dira, oinarri nahiko egonkor eta sendoa dutenak, beren egonkortasuna eta mugikortasuna bermatzeko. Ahal bada, elementu zeharrargiz eraikita egongo dira babesak, eta babesak daudela ikusmenaren bidez identifikatzeko elementuak eduki beharko dituzte.

3. Alboko mugaketa barkatu ahal izango da, instalazioa funtzio hau egoki betetzen duten eta aurreko ataletako baldintzak betetzen dituzten hiri altzarien artean dagoenean, hala nola jardinerak, etab.

4. Albo babesek nahiz horien euskarriek ezin izango dute dagokien instalaziorako baimendutako espazio muga gainditu, eta horien altuera ez da izango zero koma laurogei (0,80) metro baino gutxiagokoa ezta bat koma hirurogeita hamar (1,70) metro baino gehiagokoa ere. Terrazak betetzen duen espazioaren alboetan edo atzealdean jarri ahal izango dira, ostalaritza jarduera barne hartzen duen lokaletik hurbilen dagoen terrazaren aurrealdea beti libre utziz.

Albo babes horiek bi (2) metroraingo igo ahalko dira luzapen ez finkoen bitartez eguraldi txarra dagoenean. Albo babesaren eta olanaren hegala ixten duten elementu ez zurrinak (estoreak, gortinak...) jarri ahal izango dira eguraldi txarra egitean. Eguraldi txartzat hartzen da euria edota haizea dakarten egoera klimatologiko txarrak, instalazioaren erabiltzaileen egonaldia zapuzten dutenak.

5. Albo babesek ez dira izango eragozpena zoladuran urak zirkulatzeko, bai euriari dagokionez, bai udal ureztatzeari dagokionez.

1. ATALA

IBILGAILUEN ZIRKULAZIOA DUTEN KALEETAKO ESPALOIETAN JARTZEA**11. artikulua.—Okupazioa**

Aurreko artikuluetan aipatutako mugaketa orokorreari kalterik egin gabe, terrazak okupazio baldintza hauetan oinarritu beharko dira, terrazaren jabetza duten lokalaren egoeraren arabera:

a) Ezin izango dira jarri hiru metro eta erdi (3,50 m) baino gutxiagoko zabalera duten espaloietan, ezta oinezkoentzako pasagune, ibilgailuen pasabide, jendearentzako lokalen larrialdi irteeren aurrean, garraio publikoaren geltokien aurrean, etab., irisgarritar-



sunari buruz indarrean dagoen legediaren arabera oinezkoen ibilbide irisgarriak babes-
teko helburuarekin.

Halaber, arreta berezia jarriko da Udalaren ekintza plan eta oztopo arkitektonikoak
kentzeko planean xedatutako ibilbide irisgarriak errespetatzean edo geroago horrelako-
tzat zehaztuko direnetan.

b) Oinezkoentzako pasagune libre ahal izango da, eremuak ahalbidetzen duenean edo oinezkoen zirkulazioaren inten-
sitateak eskatzen duenean.

c) Sei (6) metro edo gehiagoko espaloi zabalera duten kaleetan, instalazioaren za-
balera ezin izango da lau (4) metro baino gehiagokoa izan, titulu honetako I. kapitulu-
an xedatutako mugen kasurik egin gabe.

d) Instalazioa 10. artikuluan xedatutako araberak babestu eta mugatuko da

e) Terrazaren eskaera bakoitzarekin, berariaz, alboko establezimenduen jabeek sina-
tutako baimena gehituko da, terrazaren instalazioak alboko lokalaren fatxadaren aurreal-
dea okupatzen dutenean, 9. artikuluan aurreikusitako arabera, baimen hori behar ez
den kasuetan izan ezik.

f) Lokal, atari, pasabide, garraio publikoaren geltoki, oinezkoen pasabide edo ibilbi-
de eta abarretarako irisgarritasuna ziurtatuta egongo da beti, 7. artikuluan 7. puntuan
ezarritako arabera.

Oinezkoen eta ibilgailuen trafiko gehiegi ez dagoen aldeetan eta ostalaritza-lokalaren
aurreko espaloian terraza sartzeko ez denean, Udal Agintaritzak, salbuespen gisa, udal
zerbitzuek aldeko txostena egin ondoren, baldin eta bide segurutasuna bermatzen bada,
«A motako» terraza jartzea baimendu ahal izango du, lokalaren aurreko aparkalekuak
okupatuz.

2. ATALA

OINEZKOEN EREMUETAN JARTZEA

12. artikulua.— Okupazioa

Kontuan hartuta oinezkoen zenbait kaletan oinezkoak kalearen erdigunetik igarotzen
direla, kaleen ezaugarriak horrelakoak direlako (pasioa, ez komertziala, etab.), oinez-
koen joan-etorriak fatxadetatik urrun egiten dira; beraz, hasteko, egoera hori balioetsi
beharko da, udal zerbitzuek egindako txosten arrazoituaren bidez, eta fatxadei atxikitako
terrazak jartzeko aukera egongo da, oinezkoak igarotzeko aukerarik onena hori bada.
Nolanahi ere, estalduraren, babesguneen eta altzarien instalazioa baterako proposamen
baten arabera eta harmonia eta estetikako baldintza bereziekin egin behar da, 7.12 arti-
kuluan xedatutakoarekin bat etorriz.

Kapitulu honetan aipatutako mugaketa orokorreki kalterik egin gabe, terrazak okupa-
zio baldintza hauetan oinarritu beharko dira, terrazaren jabetza duten lokalaren egoeraren
arabera:

1. Gutxienez bost (5) metro dituzten oinezkoentzako kaleetan, mahaien lerro bate-
ko instalazioa jarri ahal izango da, fatxada eta terrazaren arteko tartean, derrigorrean,
igarotzeko bi (2) metro libre utziz, salbuespen gisa, udal zerbitzuen txostenaren aurretik,
Udal Agintaritzak, era arrazoituan, irisgarritasun arauak hobeto bermatzen dituen koka-
tzeko beste aukera bat baimendu ezean.

2. Oinezkoentzako kaleetan ibilgailuen zirkulazioa sartzeko aukera dagoenean eta
zamalanan egiteko lekua nahiz garajeetarako sarbidea dagoenean A motako, B motako
eta C motako terrazak jarri ahal izango dira —azken horiek 7. artikuluan ezarritako mu-
gekin— kale horiek gutxienez sei (6) metroko guztizko zabalera dutenean, hiri-altzarien
elementuek eta ibilgailuen zirkulazioak eragozten ez badute.

Terraza aurrez aurre jar dezaketean bi lokal egotekotan (eskaeran eta agiri grafikoetan
frogatuko da), lokal eskatzaileak kale erdiraino jarri ahal izango ditu mahaiak, betiere, fa-



txada eta mahaien artean gutxienez bi (2,00) metroko oinezkoentzako pasabidea bermatzen baldin bada. Nolanahi ere, terrazak instalatzeko zabalera erabilgarria banatuko da.

3. Instalazioa alboetatik 10. artikuluan ezarritako moduan mugatuko eta babestuko da.

4. Jartzeko eskaerari jarduera nagusiaren ondoko lokalen jabeen berariazko baimen idatzia gehituko zaio, hala badagokio, instalazioak ondokoen edozein fatxadaren aurrea okupatuko duela aurreikusten bada, 9. artikuluan aurreikusitakoren arabera, baimen hori behar ez den kasuetan izan ezik.

5. Oinezkoentzako pasagune librea bi (2) metro baino handiagoa izan daiteke oinezkoen zirkulazioaren intentsitateak eskatzen duenean, eta alde zurretik udal zerbitzuek arrazoituta txostena egindakoan.

6. Lokal, atari, pasabide, garraio publikoen geltoki eta abarretarako irisgarritasuna ziurtatuta egongo da beti.

3. ATALA

ESPazio BEREZIETAN JARTZEA

13. artikulua. — Okupazioa

Kapitulu honetan aipatutako mugaketa orokorrei kalterik egin gabe, terrazak okupazio baldintzetan oinarritu beharko dira, terrazen jabetza duten lokalen egoeraren arabera. Hala ere, beste plaza edo espazio berezi batzuk terrazez hornitzeko egiten diren proposamenak banaka aztertuko dira.

1. Espazio bereziak hauexek dira:

- Arkupeen eremua.
- Portu Zaharra (Etxetxu Plaza eta inguruak).
- Kirol portua.
- Ereaga hondartza.
- Biotz Alai Abesbatzaren plaza.
- Orobio kalea.
- Tamarindo kalea.
- San Nikolas plaza.
- Aurrezki Kutxa eta Gobelondo kaleak (oinezkoen eremua).
- Zubiko Enparantza.
- Basagoiti Etorbidea.
- Eremu saturatua.
- Bazterreko bi establezimendu.
- Areetako Geltokia Plaza eta Santa Eugenia kalea.
- Amistad kaleko oinezkoen tartea eta María Cristina Erregina kalea.

a) Arkupeen eremua: Arkupeetan terrazak jarri ahal izango dira, horiek gutxienez hiru metro eta erdiko (3,50) zabalera librea badute.

Mahaiak arau orokor gisa, arkupeen zutabeen ondoan jarriko dira, nahiz eta autobus geltoki edo oinezkoentzako pasagunearekin bat etorri gero, lokalen fatxadaren alboan jarri ahal izan, udal zerbitzuek alde zurretik txosten arrazoitua egin ondoren, beti oztoporik gabeko bi (2) metroko pasabidea bermatuz.

Instalazioa 10. artikuluan xedatutakoaren arabera babestu eta mugatuko da, eta A motako terrazak soilik baimenduko dira, Zubiko Enparantzaren izan ezik, non eremuko baterako proiektuan arautuko den.

Arkupeen aurrean plaza, oinezkoentzako pasealekua edo 3,50 metro baino gehiagoko zabalera duen espaloia badago, mahaiak jartzea baimenduko da espazio bietan, horrela bere espazioa bikoiztu ahal izango du. Horretarako, udal zerbitzuek alde zurretik txosten arroitua egin beharko dute.



b) Portu Zaharra: Etxetxu plazako espazioa bakarrik bete ahal izango da, bertako lokalen artean banatuta. Portu Zaharreko gainerako lokaletan oinezkoen eremuentzako araudia aplikatuko da.

c) Kirol Portua: Eredu hau ordenantza honetan jasotako eremu berezi libreetako instalazioen okupazio irizpideen aplikaziotik kanpo geratuko da, bere berezitasun eta ezaugarriengatik elkarre emakidadunarekin baterako proiektuan arautu beharko baita.

d) Ereaga hondartza, Biotz Alai Abesbatzaren plaza: Aurkeztutako proposamenak banaka aztertuko dira.

e) Orobio kalea, Tamarindo kalea, Aurrezki Kutxa, Gobelondo kaleak (oinezkoen eremua), Zubiko Enparantza, Areetako Geltokia Plaza eta Santa Eugenia Kalea, Amistad kaleko oinezkoen tartea eta Maria Cristina Erregina kalea.

Udalak onartutako espazioak soilik okupatu ahal izango dira, eremuko baterako proiektu batekin diseinatuak; betiere, erabilera publikoa bermatuz eta lehenetsiz. Proiektu hori Udalak berak idatziko du partikularrek aurkeztutako proposamena ez badu onartzen Udalak.

f) San Nikolas plaza: Udalak onartutako espazioak soilik okupatu ahal izango dira, eremuko baterako proiektu batekin diseinatuak. «A motako» terrazak soilik baimenduko dira. Proiektu hori Udalak idatziko du.

g) Basagoiti etorbidea: Jendetza ibiltzen den oinezkoentzako bidea denez eta zenbait lekutan zabalera irregularra duelako terraza bat jartzean oinezkoen igarotzea eragoztiko lukeenez, proposamenak banaka aztertuko dira, eta horiek aztertu edo baztertu ere egin ahal izango dira udaleko zerbitzu teknikoek modu arrazoituan erantzunda.

Esparru horretan, «A motako» terrazak soilik onartuko dira haien zabalerek ahalbidetzen duten tokietan; «B motako» terrazak ere baimendu ahalko dira, baina alboko itxiturak ez dira finkoak izango eta terraza jasotakoan kendu beharko dira.

h) Eredu saturatua: Eredu saturatu bat da oinezkoen espazio bat, non ostalaritzako lokalen aglomerazioagatik edo arrazoitutako udal erabaki batengatik eremuko baterako proiektu bat egitea eskatzen duen, erabilera publikoa bermatuta eta lehenetsita beti. Proiektu hori Udalak berak idatziko du partikularrek aurkeztutako proposamena ez badu onartzen Udalak.

Eredu bat saturatutzat jotzeko, arrazoitu egin behar da, udalaren ebazpen baten bidez.

Udal Agintaritzaren iritziz beresizat sailka daitezkeen eremu berriak lokalizatuz gero, saturatutzat zehaztutako eremuen antzeko trataera emango zaie horiei.

2. Instalazio eskaerari jarduera nagusiaren ondoko lokalen jabeen berriazko baimen idatzia gehituko zaio, hala badagokio, instalazioak ondokoen edozein fatxadaren aurrea okupatuko baldin badu, 9. artikuluan aurreikusitakoren arabera, baimen hori behar ez den kasuetan izan ezik.

3. Oinezkoentzako pasagune librea udal zerbitzuen iritzi arrazoituaren bidez zabaldu ahal izango da, oinezkoen zirkulazioaren intentsitateak eskatzen duenean.

4. Lokaletarako irisgarritasuna beti ziurtatuta egongo da.



II KAPITULUA

BAIMENA EMATEKO BALDINTZA FORMALAK: ESKAERA ETA IZAPIDEAK**14. artikulua. — Udalaren titulu gaitzailea. Eskaera eta dokumentazioa**

1. Terrazak eta beren elementu osagarriak jartzea, udalaren aurretiko baimenari lotua dago.

2. Ostalaritzako adarrean legeztatutako jarduera bat egiteko titulua duten eta instalazio horretarako baimenduta dauden titullarrek jarri ahal izango dute terrazak.

3. Eskaera

3.1. Interesdunak alkate jaunari zuzenduriko terrazentzako eskaera-eredua aurkeztu beharko du. Eskaeran hauxe azalduko da:

a) Eskatzailearen izena eta bi abizenak. Eskatzailea osatzen duen jarduera nagusia garatzeko titulu gaitzailearen titularra izan behar da.

b) Titullararen datuak, helbidea, telefonoa eta NAN eta, hala balegokio, IFK.

c) Jarduera nagusiaren izena eta kokalekua.

d) Estutako funtzionamendu denboraldia, 17. artikuluaaren arabera.

e) Eskatutako terraza mota, 7.1 artikuluaaren arabera.

f) Jarduera nagusia duen lokalaren Jabekide-Erkidegoaren Presidenteari eta alboko Erkidegoen Presidenteei egindako jakinarazpen-ziurtagiria, terraza bat jartzekoa, baldin eta bere fatxadetako zati bat okupatzen bada.

g) Eskaera egiten den lokalaren katastro zenbaki finkoa.

3.2. Dokumentazio gehigarria.

Eskatzaileak eskaerarekin batera dokumentazio hau aurkeztu beharko du:

a) Jarduera nagusia gauzatzeko udalaren baimena adierazi beharko da (titulu gaitzailea).

b) Alboko establezimenduen titullarren baimena, 9 eta 11. artikuluetan xedatutako kasuetan.

c) Instalazioaren agiri teknikoak eta grafikoak ordenantza honen 14.3.3 artikuluan esandakoaren arabera idatziak.

d) Espazio berezietan kokatutako lokalei dagokienez, terrazako altzarrien xehetasunen proposamena gehituko da.

e) Jarriko diren elementuen zerrenda (aulkiak eta mahaiak —altuak edota baxuak—, upelak, eguzkitakoak, berogailuak, jardinerak, su itzalgailuak, babesak eta luminariak), CE homologazioa dutela justifikatuta.

f) Instalazioak gasezko erregaia duten berogailuak baditu, erantzukizun zibileko eta suteen aseguruan gertaera hori jasotzeaz gain, berogailu guztietarako gas hornitzailearen enpresaren hornidura kontratua ere gehituko du.

g) Euskarri digitalean (CD, DVD edo USB memoria) agiri grafikoak gehituko dira, murrizketarik ez duena kopiatzeko, eranskin gisa jartzeko eta inprimatzeko, udaleko informazio sistemetan sartu ahal izateko xedearekin.

3.3. Dokumentazio teknikoak eta grafikoak.

Titulu gaitzailearen eskaerarekin batera, instalazioaren proiektu edo dokumentazio tekniko bat ere aurkeztu beharko da (hala badagokio, elektrikoa barne). Proiektuak plano hauek eduki beharko ditu gutxienez:

a) Lokalaren eta terrazaren instalazioaren kokapenaren planoak, 1:200 eskalan.

b) Oinplanoaren planoak 1/50 eskalan. Hor jasoko da instalazioak okupatutako eremua, mahaien edo aurreikusitako elementuen xehetasunekin, eta horien tamainak errealitatearekin bat etorri beharko dute eta okupaziora mugatu beharko dute.

Era berean, planoan edozein oztopo finko agertuko da (zirkulazioko seinaleak, zuhaitzak, jarlekuak, hiri altzariak, etab...) eta udal zerbitzuak izan ditzaketan afektazioak



(ura, saneamendua, gasa, etab.), esparrua mugatuko duten eta oztopoa identifikatzea ahalbidetuko duen albo babesak margotuko dira. Albo babesek ezin izango dute instalazioaren zabalera gainditu.

c) Albo babesak oinplanoan, altxaeran eta ebakiduran xehetasunez agertzen den plano kotatua, ahal bada, 1:20 eskalan.

d) Instalazio elektrikoa edukiz gero:

— Nahikoa zehazten duten datu teknikoak eta dagokion eskema elektrikoa.

— Aurreikusitako gauzatzearen oinplanoa eta altxatzea agertzen diren plano kotatuak, arestian adierazitako eskaletan.

e) Ainguratutako (zoldurara torlojututako) egituren bidezko estaldura barne hartzen duen eskaera bada, instalazioaren materialen diseinua, kalitatea, ezaugarriak eta estetika aztertzeko beharrezko agiri grafiko eta tekniko guztiak aurkeztu beharko ditu eta, hala balegokio, baita kalitate egiaztagiria ere, teknikari eskudunak idatzia eta sinatua.

Halaber, eraikuntzaren emaitzak inguruko espazio eta eraikuntzen ezaugarriekin harmonizatu beharko du.

Horrela, aurkeztutako proposamenek azken emaitza ikuspegi ezberdinetatik ikusi daitezkeen foto-muntaia edota irudi tridimentsionala eduki beharko dute, eta baita beren xehetasunezko planoak ere, ahal bada, 1:20 eskalan, oinplanoa eta altxaera zehaztuz.

Dokumentazio tekniko horrek bere forma eta tamaina osatzen duten materialak, atalak, ainguraketak, aire erresistentzia seinaleak (jasan dezaketen gehienezko abiadura adieraziz), ere adieraziko ditu.

3.4. Amaierako dokumentazioa:

Instalazioa amaitzean, eta funtzionamenduan jarri baino lehen, honako hau aurkeztu beharko da:

a) Instalazio elektrikoa izanez gero: Tentsio Baxuko Araudi Elektroteknikoa (TBAE) eta aplikatu daitezkeen gainerako araudiak betetzearen justifikazioa, instalazioa legeztatze eta abian jartzeko beharrezkoak diren dokumentuak aurkeztuz: CIEBT (lehen, buletina deitua) eta MTD diseinuzko memoria teknikoa (edo proiektu elektrikoa, hala badagokio), organo eskudunak zigilatuta.

b) Instalazioa egin ondoren, «B motako» edo «C motako» terrazai eskatuko zaie ikuskapen bisita bat egitea, aurkeztutako dokumentazio teknikoaren arabera egin diren lanen ziurtagiriaz lagunduta.

c) Erantzukizun zibileko eta suteen aseguruia, instalazioaren funtzionamendutik erator daitezkeen arriskuak estaliko dituena.

15. artikulua.— *Ebazpena*

Eskaera egin ondoren, ordenantza honetan eskatzen diren baldintzen arabera, eta aurretiko txostenak aurkeztu ondoren, Udaleko Agintaritzak eskudunak ebartziko du, sei hilabeteko epean.

Udal Agintaritzak epe horren barruan ebazpena egin ezean, ezezko isiltasun administratiboa indarrean sartuko da, eta eskaera ezeztatutzat joko da.

Udal Agintaritzak egokitzat joz gero Babes Zibilaren txostena gehitu behar dela, ebazpena egin baino lehen bidaliko da hori.

16. artikulua.— *Titulu gaitzailearen baldintzak*

1. Titulu gaitzaileak emandakotzat joko dira beti, jabetza eskubidea izan ezik eta hirugarrenei kalterik egin gabe. Onuradunak bere jarduera burutzean erantzukizun zibil edo penalaren pean eroriko balitz, ezin izango da argudiatua izan kendu nahiz murrizteko, eta ez du bere titularrak, hala balegokio, egokiak diren beste baimen batzuk lortzeko beharretik aske uzten.



2. Titulu gaitzailearen agirietan instalazioaren eta elementu osagarrien baldintzak, okupatu beharreko azalera, instalazio mota, baimenaren funtzionamendu aldia eta beharrezkotzat jotzen diren baldintzak finkatuko dira.

3. Titulu gaitzaileak izaera prekarioa izango du beti eta Udal Agintaritzak, modu arrazoituan, baimendutako instalazioak bide publikotik kentzeko agindua eman ahal izango du, partikularraren ardurapean, zirkulazio, bide garbiketa, udal zuhaitzien mantentze lan, hirigintza edo beste interes orokorreko edo udal intereseko baldintzek hala gomendatuz gero, eta kalte-ordainak jasotzeko eskubiderik gabe.

4. Titulu gaitzailearen titularra behartua egongo da okupatutako eremuan instalazioaren ondorioz egon daitezkeen kalteak konpontzera.

5. Titulu gaitzailea emateak eta tasa ordaintzeak titularrari lizentzian azaltzen den espazio publikoaren zatia erabiltzeko eskubidea ematen dio. Artikulu honen 4. ataleko kasuan izan ezik, azalera, mahai-kopurua, eta baimendutako aldia osorik edo zati batean ez baldin badira erabiltzen, ez du izango, inola ere, ordaindutako zenbatekoak dagokion likidazioaren arabera berreskuratzeko eskubiderik.

6. Titularra behartuta dago lokalaren barnealdean, kanpotik ondo ikus daitezkeen leku batean, terrazaren instalazioaren baimena egiaztatzen duen dokumentua (1. eranskina) jartzera.

17. artikulua.— Denboraldia, indarraldia eta berritzea

1. Terrazen funtzionamendu aldia honako hiru denboraldi mota hauen arabera ezarriko eta baimenduko da:

— Urteko denboraldia: urtarrilaren 1etik abenduaren 31ra.

— Urtaroko denboraldia: martxoaren 19tik azaroaren 4ra. Aste Santua data hori baino lehen hasiko balitz, hori izango litzateke denboraldiari ekiteko data.

— Udako denboraldia: ekainaren 1etik irailaren 30era.

2. Titulu gaitzaileek baimendutako funtzionamendu denboraldiaren iraupenaren indarraldia izango dute.

3. Titulu gaitzaileak automatikoki berrituko dira hurrengo urterako eta denboraldi bererako, baldintza berberetan, titularrak aurkakorik eskatzen ez badu, eta, era berean, terrazak instalatzeko baimenaren berritzea jarduerari ezarritako neurriren ez betetzeagatik zigortua ez izanaren baldintzapean egongo da, edo eta titulu gaitzailea ematerakoan zeuden inguruabarrak aldatu ez izanaren baldintzapean ere; hala balitz, Udalak arrazoi horiek direla medio, berritze automatiko hori atzera bota ahal izango du.

4. Indarraldia igarota, titularrak hurrengo ekitaldirako berrikuntza ez badu, instalazio osoa kendu beharko du eta okupatutako eremua lehenengo egoeran utziko du.

5. Hasierako titulu gaitzailea eman zen uneko baldintzak aldatuz gero, dokumentazio berria aurkeztuko da edo aurkeztutakoa osatuko da, 14. artikuluan ezarritakoaren arabera.

6. Terrazaren establezimenduaren titularra aldatzeak ez du ekarriko terrazaren baimena eskualdatzea; hortaz, titular berriak eskaera egin beharko du, ordenantza honetan ezarritako dokumentazioa aurkeztuz, baldin eta baimendutako terrazaren antolaketan aldatetarik ez badago. Kasu horretan, nahikoa izango da terraza jarriko dela jakinaraztea.

7. Terrazaren establezimendua desagertzeak edo ixteak edo jarduera lizentzia galtzeak terrazaren baimena galtzea ekarriko du automatikoki.

18. artikulua.— Funtzionamendu ordutegia

Jarduera nagusiaren ordutegia kontuan hartu gabe, terrazen erabilera 8:30etik eta 23:00etara mugatuko da; terraza hori jartzearen lanak ordutegi horren barruan egongo da.

Ostiraletan, larunbatetan, jai bezperatan eta ekainaren 1etik irailaren 30era asteko egun guztietan 24:00ak arte erabili ahal izango dira terrazak.



Halaber, terrazak erabiltzeko ordutegia areagotu ahal izango du Alkatetzak udalerriko jaiengatik eta kultura edota musika jarduerengatik (folk, jazz, habanera...), horiek direla eta jendetza ibiltzen den eremuetan.

Kendu edota desmuntatzea: itxi ondoren 15 minutu.

19. artikulua.— Okupatu daitekeen azalera mugatzea

1. Mahaiak, aulkiak, babesak, egitura desmuntagarriak, eguzkitakoak eta abar jartzera bideratutako eremuen mugak Udalak emandako terrazari buruzko dokumentuan (1. eranskina) jasota egon beharko dute, eta dokumentu horrek ikus daitekeen lekuan egon beharko du.

2. Mugaketa hau ezin izango da gainditu, eta mahai, aulki, albo babes, euskarri eta abarrek ezin izango dute pasabidea okupatu. Hau betearazteko ardura establezimenduko titularrak izango du.

3. Instalazioaren albo babes sistema ezin izango da inoiz arriskutsua izan pertsonentzat eta ez du titulartasun publiko edo pribatuko bideetan kalte edo aldaketarik ekarriko.

III. TITULUA

KANPOKO BARRAK ETA ESTABLEZIMENDU KOMERTZIALEN LUZAPENAK JARTZEA

XEDAPEN OROKORRAK

20. artikulua.— Kanpoko barrak

Hauek hartzen dira kanpoko barra gisa: aldi baterako barra eta instalazioak, jaiak direla-eta ostalaritzako establezimenduen kanpoaldean jarri ahal direnak.

Udalerriko jaietan ostalaritza lokaletan kanpoko barrak jartzeko titulu gaitzailea Alkatetzaren ebazpenaren bidez erregulatuko da. Nolanahi ere, ez da automatikoki berrituko.

Eskaera hauek izapidetzeko, 22. artikuluko 1.2 puntuan aldi baterako luzapen komertzialetarako xedatutakoa kontuan izango da, 1.2. puntuko establezimenduen zerrenda izan ezik.

21. artikulua.— Establezimendu komertzialen luzapenak

1. Establezimendu komertzialen bi luzapen mota bereizten dira.
2. Establezimendu komertzialen urteko luzapenak.

Udal baimena beharko dute alde zurretik establezimendu komertzialen jardueraren espazio publikorako luzapenak. Horiek jarriko diren espazio publikoak herritarren irisgarritasunagatik eta mugikortasunagatik ahalbidetzen duenean emango dira horiek; betiere, eremuaren okupazioari lotutako jarduera komertzialak nahitaezkoa den udal baimena baldin badu.

Okupazioak establezimendu komertzialaren funtzionamendu ordutegian iraungo du soilik, eta establezimenduaren luzapenak osaera estetiko fina eta osaera fisiko zehatza izango du. Gainera, pertsona guztien irisgarritasuna bermatuko du, eta ez die eragozpenik edo eraldatzerik eragingo oinezkoen ibilbideei.

Espazio publikora gehienez ere hirurogei (0,60 m) zentimetro luzatzeko baimena emango da, fatxadako lerrotik, eta une oro bermatuko da oztoporik gabeko 2 metro zabaleko pasabide librean.

Titulu gaitzaileak automatikoki berrituko dira hurrengo urterako eta baldintza berberetan, titularrak aurkakorik eskatzen ez badu; era berean, baimena berritzea jarduerari ezarritako neurrien ez betetzeagatik zigortua ez izanaren baldintzapean egongo da, edo eta titulu gaitzailea ematerakoan zeuden inguruabarrak aldatu ez izanaren baldintzapean ere; hala balitz, Udalak arrazoi horiek direla eta, berritze automatikoa atzera bota ahal izango du.



3. Establezimendu komertzialen aldizkako luzapenak.

Udalak berak eta udalerriko eremu eta auzoetako merkataritzen taldeek eta elkarteek produktuak erakustea sustatu ahal izango dute establezimendu bakoitzaren aurreko espazio publiko mugakidean, edo, salbuespenez, beste espazio publiko batzuetan, 1. artikuluan ezarritako baldintzetan.

Erakunde sustatzaileak identifikatuko ditu atxikitako saltokiak eta ekimenean parte hartzen dutenak, eta, bide publikoan beste jarduera batzuk egiteko baimena eskatuz gero, eskaintzen kanpainen paraleloan, xehetasun osoz deskribatuko ditu, eta, halaber erabili nahi diren espazio publikoko zati zehatzen berri emango du. Jarduera horiek, era berean, udalaren nahitaezko baimena beharko dute.

Merkatarien elkarte edo talde sustatzailearen kideak ez diren eta udalerrian errotuta dauden saltokiek ere parte hartu ahal izango dute ekimen honetan, dagokion udal baimenaren babesean. Horiek banaka egin beharko dute eskaera.

Noizean behingoa denez, instalazio mota hauetarako baimena aldi bakoitzean eskatu beharko da, ezingo delako automatikoki berritu.

4. Establezimendu komertzialen luzapenak jartzeko titulu gaitzailea Alkatetzaren ebazpenaren bidez erregulatuko da. Baimendutako luzapenetan erakutsitako elementu guztiek sektoreko araudiak ezarritako dagozkien osasun neurriak beteko dituzte.

22. artikulua.— Eskaera eta izapideak

1. Eskaera

1.1. Establezimendu komertzialen urteko luzapenak.

1.1.1. Establezimendu komertzialen urteko luzapen bat instalatu nahi bada, interesdunak alkate jaunari zuzenduriko eskaera aurkeztu beharko du. Eskaeran hauxe azalduko da:

- a) Eskatzailearen izena eta bi abizen. Osatzen duen jarduera nagusia garatzeko titulu gaitzailearen titularra izan behar du eskatzaileak.
- b) Titularraren datuak, helbidea, telefonoa eta NAN eta, hala balegokio, IFK.
- c) Jarduera nagusiaren izena eta kokalekua.
- d) Eskaera egiten den lokalaren katastro zenbaki finkoa.

1.1.2. Dokumentazio gehigarria.

Eskatzaileak eskaerarekin batera hurrengo gai hauei buruzko ziurtagiriak aurkeztu beharko ditu:

- a) Jarduera nagusia gauzatzeko indarrean dagoen udalaren baimena dagoen adieraztea (zabaltzeko lizentzia).
- b) Instalazioaren agiri tekniko eta grafikoak.
- c) Erantzukizun zibileko edota suteen aseguruua, instalaziotik erator daitezkeen arriskuak estaliko dituena. Aseguru hori instalazioa baimendu ondoren eta jarduera egiten hasi baino lehen aurkeztuko da.
- d) Euskarri digitalean (CD, DVD edo USB memoria) agiri grafikoak gehituko dira, murrizketarik ez duena kopiatzeko, eranskin gisa jartzeko eta inprimatzeko, udaleko informazio sistemetan sartu ahal izateko xedearekin.

1.1.3. Dokumentazio tekniko eta grafikoa.

Titulu gaitzailearen eskaerarekin batera, instalazioaren dokumentazio tekniko bat ere aurkeztu beharko da. Proiektuak plano hauek eduki beharko ditu gutxienez:

- a) Lokalaren kokapenaren eta luzapen komertzialaren instalazioaren planoak, 1:200 eskalan.
- b) Oinplanoaren planoak 1/50 eskalan. Hor jasoko da instalazioak okupatutako eremua, aurreikusitako elementuen xehetasunekin, eta horien tamainak errealitatearekin bat etorri beharko dute eta okupazioa mugatu beharko dute.



Era berean, planoan edozein oztopo finko agertuko da (zirkulazioko seinaleak, zuhaitzak, jarlekuak, hiri altzariak, etab.) eta udal zerbitzuak izan ditzaketen afektazioak (ura, saneamendua, gasa, etab.), esparrua mugatuko duten eta oztopoa identifikatzea ahalbidetuko duen albo babesak margotuko dira. Albo babesek ezin izango dute instalazioaren zabalera gainditu.

c) Albo babesak oinplanoan, altxaeran eta ebakiduran xehetasunez agertzen den plano kotatua, ahal bada, 1:20 eskalan.

1.2. Establezimendu komertzialen aldizkako luzapenak.

1.2.1. Establezimendu komertzialen aldizkako luzapen bat instalatu nahi bada, interesdunak alkate jaunari zuzenduriko eskaera aurkeztu beharko du. Eskaeran hauxe azalduko da:

a) Eskatzailearen izena eta bi abizenak. Osatzen duen jarduera nagusia garatzeko titulu gaitzailearen titularra izan behar du eskatzaileak.

b) Titularraren datuak, helbidea, telefonoa eta NAN eta, hala balegokio, IFK.

c) Establezimenduen zerrenda.

1.2.2. Dokumentazio gehigarria.

Eskatzaileak eskaerarekin batera hurrengo gai hauei buruzko egiaztapenak aurkeztu beharko ditu:

a) Establezimendu bakoitzaren instalazioaren dokumentazio grafikoa. Instalazioaren oinplanoaren planoak, 1:50 eskalan.

b) Erantzukizun zibileko edota suteen aseguruak, instalaziotik erator daitezkeen arriskuak estaliko dituenak.

2. Ebazpena

Eskaera egin ondoren, aurreko atalean eta aurrekoetan adierazten diren baldintzen arabera, eta aurretiko txostenak aurkeztu ondoren, alkateak ebartziko du, hiru hilabeteko epeetan.

Udal Agintaritzak epe horren barruan ebazpena egin ezean, ezezko isiltasun administratiboa indarrean sartuko da, eta eskaera ezeztatutzat joko da.

Udal Agintaritzak egokitzat joz gero Babes Zibilaren txostena gehitu behar dela, ebazpena egin baino lehen bidaliko da hori.

Luzapen komertzialaren instalazioa baimentzen duen ebazpenean instalazioaren baldintzak, okupatu beharreko azalera, instalazio mota, aldia, ordutegia eta beharrezkoztat jotzen diren xehetasunak finkatuko dira.

Titulu gaitzaileak izaera prekarioa izango du beti eta Udal Agintaritzak, modu arrazoituan, baimendutako instalazioak bide publikotik kentzeko agindua eman ahal izango du, partikularraren ardurapean, zirkulazio, bide garbiketa, udal zuhaitzen mantentze lan, hirigintza edo beste interes orokorreko edo udal intereseko baldintzek hala gomendatuz gero, eta kalte-ordainak jasotzeko eskubiderik gabe.

Titularra behartua egongo da okupatutako eremuan instalazioaren ondorioz egon daitezkeen kalteak konpontzera.

Ordenantza honetako II. tituluko II. kapituluan ezarritakoa aplikatuko da subsidiarioki artikuluko honetan jaso gabeko gaietarako.

Titularra behartuta dago lokalaren barnealdean, kanpotik ondo ikus daitezkeen leku batean, establezimendu komertzialaren luzapenaren instalazioaren baimena egiaztatzen duen dokumentua (2. eranskina) jartzera.

**IV. TITULUA****ZEHATZEKO ETA LEGEZKOTASUNA BERREZARTZEKO ARAUBIDEA****I. KAPITULUA****LEGEZKOTASUNA BERREZARTZEA****23. artikulua.— *Udal titulu gaitzailerik ez daukaten edo emandako baimenari egokitzen ez zaizkion instalazioak***

1. Alkatetzak kautelaz eta berehala, bide publikoan titulu gaitzailerik gabe jarritako barrak, terrazak, erakustokiak eta ordenantza honetan araututako gainerako elementuak kendu eta biltegiratu ahal izango ditu, horretarako esleitutako tokian, araudiko zehapenen ezarpenari kalterik egin gabe.

2. Kanpoko barrak, terrazak, erakustokiak eta abar titulu gaitzailean aipatutako baldintzei lotu gabe jarrita badaude, Alkatetzak ekintza hauek berehala etengo ditu. Instalazioaren titularrak instalazioa kentzen ez baldin badu, edo instalazioa ez bada emandako titulu gaitzailearen baldintzei lotzen, agindutakoaren betearazte subsidiarioa burutuko da, hurrengo artikuluetan jasotako baldintzetan.

Honelako kasuetan, instalazioa borondatez kentzeko gehieneko epea 10 egunekoa izango da. Epe hori udalaren ebazpen arrazoitu baten bidez murriztu ahalko da, berandutzak administrazioari kalte egiten badio.

3. Kanpoko terraza eta barren iraunkortasuna, titulu gaitzailearen indarraldia amaitu ostean, udal baimenaren gabeziako egoerak beretuko du, zehapenen eraginetarako.

24. artikulua.— *Betearazte subsidiarioa*

1. Aurreko artikuluan xedatutakoaren arabera, espazio publikoan jarritako elementuak kentzeko agindua, legezkotasunaren berrezarpena hartuko da. Berrezartze horren arduradunak berrezartzea borondatez ez badu betetzen, Udalak instalazioa zigilatu eta kenduko du, behartuaren kargura, eta horretarako esleitutako lekuan utziko du. Leku horretatik jabeak atera ahal izango du, aurretik kalte-galera ordainak ordainduta.

2. Kapitulu honetan xedatutakoaren arabera, kendutako elementuak ezin izango dira 6 hilabete baino epe luzeagoan biltegiratuta egon. Epe hau igaro eta gero, interesdunak ez baditu bertatik kendu, Udalak deuseztatu, saldu edo eman egingo ditu.

II. KAPITULUA**ARAU-HAUSTEAK ETA ZEHAPENAK****25. artikulua.— *Arau hausteak***

Tokiko Araubideko Oinarriak Arautzen dituen Legearen XI. tituluaren xedatutakoaren arabera, ordenantza honen eraginetarako, arau-hausteak arinak, larriak edo oso larriak bezala sailkatuko dira.

1. Arau-hauste arintzat hartuko dira:

a) Kanpoko barrek, terrazek, luzapen komertzialek eta ordenantza honetan erregulatutako gainerako elementuek ezarritako ordutegiz kanpo irautea.

b) Baimendutako elementu kopurua gaindituz elementuak (mahaiak, aulkiak, edo beste elementu osagarri batzuk) jartzea.

c) Baimendutako lekutik kanpora mahai, aulki edo elementu osagarriak edo baita kanpoko barra bera jartzea.

d) Okupatutako espazioa apaingarri, segurtasun eta garbitasunezko baldintza ego-kietan ez mantentzea.

e) Okupatutako eremua ez garbitzea instalazioa egunerok kentzen denean.

f) Establezimendutik kanpora mahaiak, aulkia, kaxak, esekitokiak eta beste elementu batzuk tolestuta, multzokatuta edota biltegiratuta edukitzea.



g) Kanpoko terraza edo barretan edo fatxadaren kanpoaldean musika tresnak, telebistak edo bozgorailuak jartzea.

h) Titulu gaitzailean ezarritako baldintzak edo ordenantza honetan ezarritako arau-hauste larri edo oso larritzat hartzen ez diren araudiko baldintzak ez betetzea.

2. Arau-hauste larritzat hartuko dira:

a) Terrazak, kanpoko barrak, erakustokiak eta beste elementu osagarri batzuk titulu gaitzailerik gabe jartzea.

b) Udal titulu gaitzailea ez edukitzeagatik edo titulu gaitzaileko baldintzei ez lotzearen, instalazioa kentzeko udalaren eskaerari desobeditzea.

c) Urtebetean hiru arau-hauste arin egitea.

d) Irisgarritasunari buruzko araudia betetzeko espazioak eta pasabide libreak zehazteko neurriei dagokienez xedatutakoa ez betetzea.

3. Arau-hauste oso larritzat hartuko dira:

a) Espazio publikoen edo bertako edozein instalazioren eta elementuren, bai higigarri, bai higiezin, hiri segurtasunetik ondorioztatzen ez diren hondamen ekintza larri eta garrantzitsuak burutzea.

b) Udal Agintaritzak hala agindu duenean, zirkulazio, hirigintza, interes orokor edo udal interesengatik, espazio publikoa erabiltzeko eskubidea duen pertsona edo pertsonentzako oztopoa direlako terrazak, kanpoko barrak, erakustokiak eta abar osorik edo zati batean ez kentzea.

c) Sei hileko epean hiru arau-hauste larri egitea (hiru hilabete baimena kentzea ekarriko duena) eskatutako denboraldiaren baitan. Ezarritako zehapena denboraldiaren gainerakoak baino gehiago irauten badu, zehapena denboran luzatu ahal izango da geratzen den denboraz hurrengo denboraldian.

26. artikulua.—Zehapenak

1. Ordenantza honetako arau-hausteak, hurrengo eskalaren arabera isunarekin zehatuko dira:

a) Zehapen arinak: 300 eurotik 750 eurorainoko isuna.

b) Zehapen larriak: 751 eurotik 1.500 eurorainoko isuna.

c) Zehapen oso larriak: 1.501 eurotik 3.000 eurorainoko isuna.

Irekitzen diren zehapen-prozedurak, bere kasuan, 2/1998 Legeak, otsailaren 20koa, ezarritakoaren arabera bideratuko dira, Euskal Herriko Administrazio Publikoen zehapen-ahalmenari buruzkoa.

XEDAPEN GEHIGARRIA

Hizkuntza-normalkuntza

Ordenantzaren edukiarekin bat etorritz espazio publikoetan baimentzen diren terrazetan, kanpoko barretan eta luzapen komertzialetan jartzen diren eduki idatziak Euskal Autonomia Erkidegoko hizkuntza ofizialetan idatzita egon behar dira.

XEDAPEN IRAGANKORRA

Lehenengoa: Ordenantza hau indarrean jarri aurretik hasitako espedienteak ebazpena egin den unean indarrean dauden xedapenen arabera izapidetuko dira.

Bigarrena: 2015ean eta 2016an baimendu ziren, ordenantza honetako 7.1 artikuluan «B motako» eta «C motako» artean araututa dauden, eta ordenantza honen zehaztapen teknikoetara egokitzen ez diren ezaugarriak dituzten terrazek 2017ko abenduaren 31ra arte izango dute zehaztapen horietara egokitzeko epea; hala ere, urtero eskatu beharko dute titulu gaitzailea.

Nolanahi ere, betetze epe hori ez da aplikatuko aurreko ordenantza indarrean zegoela Alkatetza Dekretuaren bidez zenbait terrazari zehaztapen jakin batzuk betetzea



eskatu zitzaien kasuetan. Kasu horietan, erregularizazio epea Alkatetzaren ebazpenak zehaztuko du.

Hirugarrena: Ostalaritzako ustiapenerako emakidan dauden udal jabetzako higiezinak emakida akordioaren bidez eraenduko dira aurrerantzean ere, akordio hori indarrean dagoen bitartean.

XEDAPEN INDARGABETZAILEA

Indargabetuta geratuko dira ordenantza honetan ezarritakoari aurka egiten dioten eta maila berekoak edo gutxiagokoak diren udal xedapenak. Hiri Garbiketako Udal Ordenantzaren 14. artikulua berariaz indargabetzen da.

AZKEN XEDAPENAK

Indarrean sartzea: Ordenantza hau indarrean sartuko da Bizkaiko Aldizkari Ofizialean osorik argitaratu eta hurrengo hamabost egun baliodunera.



I. ERANSKINA/ANEXO I
ESPazio PUBliKOAREN ERABILERA
USO DE ESPACIO PÚBLICO



LOKAL ETA BAIMENAREN DATUAK/DATOS DEL LOCAL Y DE LA AUTORIZACIÓN						
Establezimenduaren izena Nombre del establecimiento						
Kalea Calle			Atari zk. Nº Portal		Letra	Aldea Mano
OHZren ZK FINKOA(k) N°s fijo(s) IBI			--			
Baimen-dekretua Decreto de Autorización	Terraza mota/ Tipo de terraza A <input type="checkbox"/> B <input type="checkbox"/> C <input type="checkbox"/>		Mahaitxo kopurua Nº mesas	Jarleku kopurua Nº sillas	Eguzkitakoak Sombrillas	Alboko babesak Protecciones laterales
Baimendutako aldia Periodo autorizado	Noiztik Desde			Noiz arte Hasta		Okupatutako azalera Superficie ocupada
Oharrak/Observaciones						
Debekatuta dago publizitatea erabiltzea mahai, aulki eta upeletan. Está prohibida la utilización de publicidad en las mesas, sillas y barriles.						

Alkatetzaren 3990/17 Dekretuaren bidez aldatutako I. Eranskina
(Anexo I modificado por Decreto de Alcaldía N.º 3990/17)



II. ERANSKINA/ANEXO II

ESPazio PUBLIKOAREN ERABILERA/USO DE ESPACIO PÚBLICO

Establezimenduaren izena: Nombre del establecimiento:	Hedadura mota: Tipo de Extensión: 1 <input type="checkbox"/> 2 <input type="checkbox"/>	Baimentze dekretua: Decreto de Autorización:	Baimendutako aldia: Periodo Autorizado:		
			Noiztik: Desde:	Noiz arte: Hasta:	
Kalea/Calle:	Atari zk. Nº Portal	Letra: Letra:	Aldea: Mano:	Katastroko zk. finkoa: N.º Fijo Catastral:	
Okap. Azalera Superficie Ocupada:	Oharrak/Observaciones:				

SARTU HEMEN INTERESDUNAK EMANDAKO PLANO DIGITALA
ESPACIO A INCRUSTAR EL PLANO DIGITAL SUMINISTRADO POR EL INTERESADO

Hedadura komertziala
Extensión Comercial

*Ebazpenaren aurka jotzeko bideak*

Ebazpen honen aurka administrazioarekiko liskar-auzibideko errekurtsua sar dezakezu Euskal Herriko Justiziako Auzitegi Goreneko Administrazioarekiko auzitarako epaitegian bi hilabeteko epean, erabakia jakinarazi edo argitaratu ondoko egunetik aurrera zenbatuta, Administrazioarekiko Liskar-auzibideak arautzen dituen 1998ko uztailaren 13ko 29 legeko 10. eta 46.4 artikuluetan ezarritakoaren arabera.

Hori guztiori, zeure eskubideen alde egiteko egoki deritzezun egintzak edo errekurtsuak aurkeztu ahal izanagatik ere.